

NOTES TOPONÍMIQUES: ADDENDA A LOS NOMES XENÉRICOS DE DEPRESIONES Y CAVIDAES NATURALES N'ASTURIES

Xosé Lluís del Ríu.
Grupu d'Espeleoloxía Gorfólí - Asturias

1. Entamu.

Hai yá tiempu que presentamos una comunicación so esta tema al Vº Congreso Español de Espeleología, celebráu en Santander nel añu 1990. Nella, nun pretendíemos namái que llamar l'atención de la xente de fuera que fai esploraciones espeleolóxicques n'Asturies, pa que vieren la necesidá de respetar el patrimoniu cultural asturianu (y tamién, per estensión, el de cualisquier otru llugar nel que se tea esplorando), respetando la toponimia.

Apuntáremos yá nesa comunicación una bona ristra nomes xenéricos de depresiones y cavidaes naturales. Pero la fuerza espresiva d'una llingua ye siempre sorprendente y nel casu l'asturianu (una llingua minorizada), l'afayu de nueves espresiones so la tema que mos ocupa, amás de sorprendente, préstanos el doble; en primer llugar, porque ello indicamos que los espeleólogos asturianos en xeneral son yá conscientes de l'importancia d'esta tema; y, en segundu llugar, porque la recuperación d'esos nomes va permitinos caltenelos vivos.

Ye por ello polo que quixéremos que fuera dende equí el nuesu más vivu agradecimientu a tolos collacios que fixeron posible esti reblaguín nel respetu y caltenimientu de la nuesa cultura y de la nuesa llingua.

2. Nomes xenéricos de cavidaes naturales.

* **Aviru.-** Nel Conceyu Morcín (na fastera'l Monsacro), abellugu natural resultante d'un bloque caliar sometíu a los efeutos de la karstificación. Hai nesti monte abondos d'ellos, recoyíos per J. Fernández Conde y M. Santos del Valle: *Aviru les Sábanes, Aviru'l Picu Llenu Vellar o Aviru Salón, Aviru Rutu, Aviriquín Calienti, Aviru los Soldaos.*

* **Berón.-** Nel Conceyu d'Ayer, abellugu natural.

* **Llerza.-** Nel Conceyu Ponga, "pozu": *Llerza de Vallelampos*. Esti términu significa, polo xeneral, miéu, pánicu; y tamién se noma asina a un ser fantásticu col que s'asusta a los neños; cola variante masculina "**llerciu**", nómase'n xeneral a un furacu pequeñu pente les peñes. De l'aceición que mos ocupa (=pozu), deriva'l verbu "**llezar**", que designa l'aición de cayer o cayese daqué o daquién a la *llezra* (exemplu: "**llezóse la yegua**").

* **Rasqueta.-** Nel Conceyu Teberga (Puertu las Navariegas), resquebra profunda na peña. El términu "**rasquetón**" noma al pasu estrechu pente dos xerres.

* **Tayeru.-** Nel Conceyu Morcín, "pozu".

3. Bibliografía.

- Fernández Conde, J. y Santos del Valle, M. "Toponimia y tradiciones del Monsacro". Lletres Asturianas. Nº 23. pp. 99-112. Uviéu, marzu 1987.

- Ríu Fernández, José Luis del. "Toponimia del medio kárstico en Asturias". Actas del IIº Congreso Asturianu de Espeleología. Federación Asturiana de Espeleología. Uviéu, 1988.

- Ríu Fernández, José Luis del. "Algunos nombres genéricos de depresiones y cavidades naturales en Asturias", Actas del Vº Congreso Español de Espeleología, pp. 201-207. Federación Cántabra de Espeleología. Santander, 1992.